

Udruženje Eko forum Zenica  
Talića brdo 11  
ZENICA

Skupštini udruženja

datum: 7.3.2024. godine

## **FINANSIJSKI IZVJEŠTAJ NA DAN 31.12.2023. GODINE**

### **BILANSA STANJA**

Aktiva/pasiva udruženja građana „Eko forum“ na dan 31.12.2023. godine iznosi 46.471,00 KM.

Aktiva se sastoji od stalnih sredstava u iznosu od 15.246,00 KM i tekućih sredstava u iznosu 31.225,00 KM. Stalna sredstva čini uredska oprema, a tekuća sredstva novac i novčani ekvivalenti.

Pasiva se sastoji od trajnih izvora u iznosu 8.820,00 KM i tekućih kratkoročnih obaveza u iznosu 3.002,00 KM. Trajni izvori rezultat su neraspoređenog viška prihoda u iznosu 26.217,00 KM, a neraspoređeni višak rashoda evidentiran je u iznosu 17.397,00 KM.

U poređenju sa obračunskim periodom na dan 31.12.2022. godine kada su aktiva/pasiva iznosili 48.470,00 KM, evidentno je smanjenje od 1.999,00 KM ili 4%. Ovo smanjenje odnosi se na stavke novac i novčani ekvivalenti, opremu i neraspoređeni višak prihoda.

Neraspoređeni višak rashoda veći je za 12.841,00 KM ili 282% u odnosu na prethodni obračunski period.

Udruženje nije evidentiralo dugoročne obaveze. Dio prihoda od CPCD za projekte "Eko HUB Zenica", "Eko BiH mreža" i "Jačanje odgovora na sigurnosne rizike od klimatskih promjena", ostvaren u 2023. godini, evidentiran je kao kratkoročna razgraničenja i rezervisanja za narednu godinu u iznosu od 34,649,00 KM.

### **BILANSA USPJEHA**

Ukupan prihod evidentiran je sa 68.634,00 KM i u poređenju sa prethodnim obračunskim periodom isti je uvećan za 14.980,00 KM ili 28%. Najveći iznos uvećanja je na stavci ostalih prihoda i dobitaka i to za 63.634,00 KM. Nije bilo uplata članarine u 2023. godini.

Prihode čine prihodi iz budžeta u iznosu od 5.000,00 KM, te ostali prihodi i dobici: grantovi CPCD za projekat "Eko HUB Zenica" u iznosu od 22.000,00 KM i "Eko BiH mreža" u iznosu od 27.500,00 KM, grant Evropskog fonda za Balkan za projekte "Mjerenje PAH i VOC za genotoksikološki monitoring" u iznosu od 7.921,11 KM i "Drvo prijateljstva" u iznosu od 6.649,82 KM, grant OSCE za projekat "Jačanje odgovora na sigurnosne rizike od klimatskih promjena" u iznosu od 11.710,56 KM, te grant ZDK za projekat "Reci kompost" u iznosu od 2.500,00 KM.

Ukupni evidentirani rashodi koji iznose 86.029,00 KM uvećani su u odnosu na prethodni period za 27.819,00 KM ili 32%. Povećanje se odnosi na rast evidentiranih rashoda i to:

- Troškova plaća i ostalih primanja radnika za 15.068,00 KM
- Materijala i energije za 1.702,00 KM
- Troškovi usluga za 10.989,00 KM
- Ostali rashodi za 109,00 KM

Dio rashoda je umanjen u odnosu na prethodni period, i to:

- Amortizacije za 149,00 KM

Povećanje rashoda uvjetovano je realizacijom obaveza iz projekata.

Udruženje je sa 31.12.2023. godine ostvarilo neto gubitak ili višak rashoda nad prihodima u iznosu 17.395,00 KM, dok je u prethodnom obračunskom periodu (do 31.12.2021) imalo neto gubitak ili višak rashoda nad prihodima u iznosu 4.556,00 KM. Može se zaključiti da je poslovanje u periodu sa 31.12.2023. godine obilježilo uvećanje i prihoda i rashoda, što je rezultiralo negativnim finansijskim rezultatom.

Nadzorni odbor Udruženja Eko forum Zenica